

15 марта 2026. Неделя 3-я Великого поста.

Крестопоклонная. Икона Божией Матери Державная

Великая Вечерня (приходская)

Стихиры на «Господи, воззвах» (сокращенно, на 6)

Канонарх: Глас 7, Гóсподи, воззва́х к Тебе́, услы́ши мя.

Лик: Гóсподи, воззва́х к Тебе́, услы́ши мя.// Услы́ши мя, Гóсподи.

Гóсподи, воззва́х к Тебе́, услы́ши мя:/ вонми́ гласу́ моле́ния моего́,/ внегда́ воззва́ти ми к Тебе́.// Услы́ши мя, Гóсподи.

Да испра́вится моли́тва моя́,/ я́ко кади́ло пред Тобо́ю,/ воздея́ние руку́ мое́ю/ же́ртва вече́рняя.// Услы́ши мя, Гóсподи.

На 10, стих: Изведи́ из темни́цы ду́шу мою́,/ испове́датися и́мени Твоему́.

Сти́х: Мене́ ждут пра́ведницы/ дóндеже возда́си Мне.

На 8, сти́х: Из глуби́ны воззва́х к Тебе́ Гóсподи,/ Гóсподи, услы́ши глас мой.

Сти́х: Да бу́дут у́ши Твои́/ внемлю́ще гласу́ моле́ния моего́.

Октоих, глас 7, Неделя на 2

На 6, сти́х: А́ще безако́ния на́зриши, Гóсподи, Гóсподи, кто постои́т? /

Я́ко у Тебе́ очище́ние есть.

Прииди́те, возра́дуемся Гóсподеви,/ сокруши́вшему сме́рти держа́ву,/ и просвети́вшему челове́ческий ро́д,/ со безплóтными зову́ще:// Соде́телю и Спа́се на́ш, сла́ва Тебе́.

Сти́х: И́мене ра́ди Твоего́ потерпе́х Тя, Гóсподи, потерпе́ душа́ моя́ в сло́во Твое́,/

упова́ душа́ моя́ на Гóспода.

15 марта 2026. Неделя 3-я Великого поста. Крестопоклонная. Икона Божией Матери Державная

Крѣст претерпѣл еси́, Спа́се,/ и погребѣние на́с ра́ди,/ смѣр-
тию же ꙗко Бѡг смѣрть умертвѣл еси́./ Тѣмже покланя́емся
триднѣвному Воскресѣнию Твоему́:// Го́споди, сла́ва Тебе́.

Недели Крестопоклонной на 3, глас 5

Глас 5. На 4. Стѣх: От стра́жи у́трення до но́щи, от стра́жи у́трення,/ да упова́ет Изра́иль на Го́спода.

Возсия́й, Госпо́день Крѣсте,/ светолу́чныя мо́лния твоея́
благода́ти,/ в сердца́ чтущих тя,/ и Богоприятною любѡвию
приѣмлющих, мировождѣленне,/ ѡмже слѣзное потребѣся
се́тование,/ и смѣртных се́тей изба́вихомся,/ и к прѣсному
весѣлию приидѡхом./ Покажи́ красotý твоея́ благоле́пие,/
воздая́ние пода́ждь воздержáния рабо́м твоѣм,/ вѣрно про-
сящим твоѣ богáтное заступле́ние,// и вѣлию мѣлость.

Стѣх: Яко у Го́спода мѣлость, и мно́гое у Него́ избавле́ние, /
и То́й изба́вит Изра́иля от всѣх беззакѡний его́.

Ра́дуйся, живонѡсный Крѣсте,/ Це́ркве кра́сный раю́,/ дре́во
нетле́ния, прозя́бшее нам/ вѣчныя сла́вы наслажде́ние:/ ѡм-
же бесѡвстии отгоня́ются полцы́,/ и а́нгельстии свеселя́тся
чи́нове,/ и совокупле́ния вѣрных пра́зднуют./ Ору́жие непо-
бѣди́мое,/ утвержде́ние неруши́мое, вѣрных побѣдо́,/ свя-
щенников похвало́,/ Христо́вы ны́не стра́сти и нам пода́ждь
достѣгнути,// и вѣлию мѣлость.

Иконы Божией Матери, именуемой «Державная» (1917) на 2

Глас 4. Стѣх: Хвалите Го́спода всѣ язы́цы, /
похвалите Его́ всѣ лю́дие.

И рыда́х, и взыва́х к Тебе́, Влады́чице,/ но не возмо́гл есть глас мой,/ и заглуши́ся во́плъ мой от пото́ка грех мои́х,/ и ка́ко умолю́ Тя?/ Са́ма у́бо да́ждь ми моли́тву и сохрани́ раба́ Твоего́./ Ёзше се́рдце моё и стру́пием испещри́ся глава́ моя́,/ изнемого́сте от мра́ка о́чи мои́,/ и уязвен ёсмь в глежню́ мою́,/ но Ты, я́ко Держа́вная,// спаси́ мя и пода́ждь ми ве́лию ми́лость.

Стѹх: Яко утверди́ся ми́лость Его́ на нас, /
и исти́на Господня́ пребыва́ет во ве́к.

Непра́вда, я́ко мо́ре, скры́ зёмлю́ Твою́,/ и ны́не лю́те потопля́еми есмь́,/ но Ты прости́ десни́цу Твою́,/ и, я́ко Всехва́льная, поста́ви ны на ка́мене ве́ры,/ и спаси́ ны, Влады́чице, спаси́ ны,// и утверди́ посреде́ нас держа́ву Твою́.

Канонарх: Слава, глас 3.

Сла́ва Отцу́, и Сы́ну, и Свято́му Ду́ху.

Христё́ Бо́же наш,/ во́льное распя́тие во о́бщее воскресёние ро́да челове́ческаго восприёмый́,/ и трóстию Креста́, обагрёнием червлёным Сво́я пёрсты окровави́вый,/ оста́вительная нам ца́рски подписа́ти человеколю́бствоваый́,/ не прёзри нас, бе́дствующих, и па́ки от Тебе́ разстоя́ние,/ но ущёдри, еди́не долготерпели́ве, во обстоя́нии лю́ди Тво́я,// и воста́ни, побори́ борю́щия ны, я́ко всеси́лен.

Канонарх: И ны́не, глас 4.

И ны́не, и прѹсно, и во ве́ки веко́в. Ами́нь.

Ма́ти у́бо позна́лася еси́,/ па́че естества́, Богоро́дице,/ пре-
была́ же еси́ Де́ва,/ па́че сло́ва и ра́зума,/ и чудесе́ Рожде-
ства́ Твоего́ сказа́ти язы́к не мо́жет./ Пресла́вну бо су́щу за-
ча́тию, Чи́стая,/ непости́жен есть о́браз рождéния,/ иде́же бо
хо́щет Бог, побежда́ется естества́ чин./ Те́мже, Тя вси
Ма́терь Бо́жию ве́дуще,/ мо́лим ти ся приле́жно:// моли́ спа-
сти́ся душа́м на́шим.

Стихиры на литии

Стихира храма

Иконы Божией Матери, именуемой «Державная» (1917), глас 6

Глас 6: Де́ва была́ еси́ Отрокови́ца смире́нна,/ днёсь же
показу́ешися нам я́ко Цари́ца и Ма́терь вся́ческих,/ и, тому́
дивя́щися, восклицáем Ти:/ ка́ко стра́шна есть та́йна сия́,/ и
ка́ко досто́йно восхва́лим Тя, Преблагую́,/ но, я́ко Небеса́ к
земле́ прикло́ньшая/ и зе́млю да́же до Небе́с возвед́шая,/
спаси́, Богоро́дице, лю́ди Твоя́// и Сама́ сохрани́ ста́до Твое́.

Слава, гла 4.

Сла́ва Отцу́, и Сы́ну, и Свято́му Ду́ху.

Глас 4: Не наде́йтесь на кня́зи преходя́щая:/ ничесо́ бо воз-
мо́гут и, сы́ны челове́чести и су́ть,/ изы́дут, я́ко бы́лие, и ни-
кто́же их помя́нет,/ но моли́тесь, бра́тие, моли́тесь,/ и при-
и́мет вы под кров Свой Ма́терь Бо́га на́шего,// и упоко́имся,
лю́дие, под ри́зой То́я.

И ныне, глас 5.

И ны́не, и при́сно, и во ве́ки веко́в. Ами́нь.

Зрящи Тя тварь вся на Крестѣ нага вѣсяща,/ Содѣтеля и Зиждителя всех,/ изменяшеса страхом, и рыдаше;/ солнце же свет омрачи,/ и земля колебашеса, камение же разседашеса,/ и храма свѣтлость раздирашеса./ Мертвии восташа от гробов,/ и ангельския силы ужасошася, глаголюще:/ о чудесѣ! Судия судится, // и страждет хотя за спасѣние мѣра, и обновлѣние.

Стихиры на стиховне

Канонарх: Глас 7. Воскрѣсл еси из гроба, Спасе мѣра.

Воскрѣсл еси из гроба, Спасе мѣра,/ и совоздвѣгл еси чело-
вѣки с плотию Твоею:// Господи, слава Тебѣ.

Стих: Господь воцарися,
в лепоту облечеса.

Воскрѣсшему из мертвых, и просветившему вся,/ приидите
поклонимся:/ от ада бо мучительства нас свободил есть,
своим тридневным Воскресѣнием живот нам даровавый, // и
велию милость.

Стих: Ибо утверди вселенную,
яже не подвижится.

Во ад сошед, Христѣ, смерть пленил еси,/ и тридневен
воскрѣс, нас совоскресил еси,/ славающих Твое всесильное
востание, // Господи Человеколюбче.

Стих: Дому Твоему подобает святѣния, Господи,
в долготу дней.

15 марта 2026. Неделя 3-я Великого поста. Крестопоклонная. Икона Божией Матери Державная

Стра́шен яви́лся еси́, Го́споди,/ во грóбе лежа́ яко спя́:/
воскрéс же триднёвен яко си́лен,/ Ада́ма совоскреси́л еси́ зо-
вúща: /сла́ва Воскресéнию Твоему́,// Еди́не Человеколю́бче.

Канонарх: Слава, глас 4.

Лик: Сла́ва Отцú, и Сы́ну, и Свято́му Ду́ху.

Посо́бивый, Го́споди, крóткому Дави́ду/ победи́ти инопле-
ме́нника,/ ве́рным лю́дем на́шим спобо́рствуй,/ и ору́жием
Креста́ низложи́ враги́ на́ша,/ покажи́ благоутро́бне на нас
дрéвняя ми́лости Твоя́,/ и да разумéют вои́стинну, яко Ты
еси́ Бог,/ и на Тя наде́ющиися побежда́ем,/ моля́щиися
обы́чно Пречи́стей Твое́й Ма́тери,// дарова́тися нам вели́цей
ми́лости.

Канонарх: И ныне, глас 6.

Лик: И ны́не, и прiсно, и во ве́ки веко́в. Ами́нь.

Ка́ко воспоём Тя, Влады́чицу Де́ву,/ и ка́ко наречём Тя,
Ма́терь Све́та неизрече́нна и непристу́пна,/ но вои́стинну
Богоро́дица Ты еси́,/ и хва́льно и просла́влено и́мя Твое́/ и
ны́не, и во век веко́в,// и по сконча́нии ве́ка.

Тропари

Глас 4: Богоро́дице Де́во, ра́дуйся, благода́тная Мари́е,
Госпо́дь с Тобо́ю, Благослове́нна Ты в жена́х и благослове́н
Плод чре́ва Твоего́, яко Спа́са родила́ еси́ душ на́ших. **(Два-
жды)**

15 марта 2026. Неделя 3-я Великого поста. Крестопоклонная. Икона Божией Матери Державная

Тропарь Крестá. Глас 1:

Спаси́, Го́споди, лю́ди Твоя́,/ и благослови́ достоя́ние Твое́,/ победы́ правосла́вным христиа́ном на сопроти́вныя да́руя,// и Твое́ сохраня́я Крестом Твои́м жи́тельство.

Воскресная утренняя (приходская)

«Бог Господь»

Тропарь воскресный глас 7

Глас 7: Разруши́л еси́ Крестом Твои́м сме́рть,/ отве́рзл еси́ разбо́йнику ра́й,/ мирно́сицам пла́ч преложи́л еси́,/ и апо́столом пропове́дати повеле́л еси́,/ я́ко воскре́сл еси́, Христé Бо́же,/ да́руяй ми́рови// ве́лию ми́лость. **(Дважды)**

Сла́ва Отцу́, и Сы́ну, и Свято́му Ду́ху.

Тропарь Крестá, глас 1

Спаси́, Го́споди, лю́ди Твоя́,/ и благослови́ достоя́ние Твое́,/ победы́ правосла́вным христиа́ном на сопроти́вныя да́руя,// и Твое́ сохраня́я Крестом Твои́м жи́тельство.

И ны́не, и прі́сно, и во ве́ки веко́в. Ами́нь.

Тропарь Иконы Божией Матери, именуемой «Державная» (1917)

Глас 4: Гра́да Сио́нска взыску́юще,/ под Твой покрóв, Де́во Чи́стая, днёсь притека́ем,/ и никто́же возмо́жет на ны,/ я́ко не́сть град си́лен, а́ще не Су́щаго Бо́га,// и не́сть и́на кре́пость, а́ще не ми́лость Влады́чицы Де́вы.

15 марта 2026. Неделя 3-я Великого поста. Крестопоклонная. Икона Божией Матери Державная

Величание

Велича́ем Тя,/ Пресвята́я Дéво,/ Богоизбра́нная
Отрокови́це,/ и чтим Держа́вный о́браз святы́ни Твоея́,
и́мже пода́еши ве́лию ми́лость// всем, с ве́рою к нему́
притека́ющим.

Стих: Помяни́, Го́споди, Дави́да и всю крото́сть его́.

Величание

Стих: Я́ко кля́тсЯ Го́сподеви, обеща́сЯ Бо́гу Иа́ковлю.

Величание

Стих: Се слы́шахом я́ во Евфра́фе, обрето́хом я́ в поля́х
дубра́вы. **Величание**

Стих: Пресла́вная глаго́лашасЯ о Тебе́, гра́де Бо́жий.

Величание

Прокимен воскресный, глас 7

Диакон: Прокимен, глас 7: Воскресни́, Го́споди Бо́же мой, да вознесётся рука́
Твоя́,/ не забу́ди убо́гих Твои́х до конца́.

Лик: Воскресни́, Го́споди Бо́же мой, да вознесётся рука́
Твоя́,/ не забу́ди убо́гих Твои́х до конца́.

Диакон: Испове́мся Тебе́, Го́споди, всем се́рдцем мо́им, пове́м вся чудеса́
Твоя́.

Лик: Воскресни́, Го́споди Бо́же мой, да вознесётся рука́
Твоя́,/ не забу́ди убо́гих Твои́х до конца́.

Диакон: Воскресни́, Го́споди Бо́же мой, да вознесётся рука́ Твоя́,

Лик: не забу́ди убо́гих Твои́х до конца́.

Диакон: Го́споду помо́лимся.

15 марта 2026. Неделя 3-я Великого поста. Крестопоклонная. Икона Божией Матери Державная

Лик: Гóсподи, помíлуй.

Молитва перед чтением Евангелия

Священник: Яко свят еси, Бóже наш, и во святых почиваеши, и Тебé славу возсылаем. Отцу и Сыну и Святому Духу, ныне и присно и во веки веков.

Лик: Амíнь.

Диакон: Всякое дыхáние / да хвалит Гóспода.

Лик: Всякое дыхáние / да хвалит Гóспода.

Диакон: Хвалите Бóга во святых Его, хвалите Его в утверждении силы Его.

Лик: Всякое дыхáние / да хвалит Гóспода.

Диакон: Всякое дыхáние

Лик: да хвалит Гóспода.

Диакон: И о сподóбится нам слышанию святáго Евáнгелия Гóспода Бóга молим.

Лик: Гóсподи, помíлуй (трижды).

Диакон: Премудрость, прости! Услышим святáго Евáнгелия.

Священник: Мир всем.

Лик: И дýхови твоёму.

Диакон: От Иоáнна святáго Евáнгелия чтéние.

Лик: Слава Тебé, Гóсподи, слава Тебé.

Священник: Вонмем.

Евангелие от Иоанна, зачало 63. Евангелие воскресное 7-е. (Ин.20:1-10)

Во время оно, во еди́ну от суббóт Марíя Магдали́на при́де за́втра, ещё́ сýщи тме, на гроб, и ви́де ка́мень взят от грóба. Течé ўбо и при́де к Сíмону Петру́ и к друго́му ученику́, егóже любля́ше Иисýс, и глаго́ла има: взя́ша Гóспода от грóба, и не вем, где положи́ша Его́. Изы́де же Петр и друго́й учени́к и идя́ста ко грóбу. Теча́ста же óба вку́пе, и друго́й учени́к течé скорéе Петра́ и при́де прéжде ко грóбу, и прини́к ви́де рíзы лежа́ща, обáче не вни́де. При́де же Сíмон Петр вслед егó, и вни́де во гроб, и ви́де рíзы еди́ны лежа́ща и сударь, íже бе на главé Его́, не с рíзами лежа́щъ, но осóбъ свит на еди́ном мéсте. Тогда́ ўбо вни́де и друго́й учени́к, пришéдый прéжде ко грóбу, и ви́де и véрова. Не у бо véдяху Писáния, я́ко подобáет Емý из мёртвых воскреснóти. Идо́ста же па́ки к себе́ ученика́.

Лик: Сла́ва Тебе́, Го́споди, сла́ва Тебе́.

Стихиры по 50 псалме

Сла́ва Отцу́, и Сы́ну, и Свято́му Ду́ху.

Глас 8: Покая́ния отве́рзи ми двéри, Жизнода́вче,/ у́тренюет бо дух мой ко хра́му свято́му Твоему́,/ храм нося́й телéсный весь оскверне́н:/ но я́ко щедр, очисти/ благоутро́бною Твое́ю ми́лостью.

И ны́не, и прісно, и во ве́ки веко́в. Ами́нь.

На спасéния стези́ наста́ви мя, Богороди́це,/ стúдными бо окаля́х ду́шу грехми́,/ и в лéности все житиé моé ижді́х:/ но Твои́ми молітвами/ изба́ви мя от вся́кия нечистоты́.

Таже, глас 6: Помілуй мя, Бо́же,/ по вели́цей ми́лости Твое́й / и по мно́жеству щедрóт Твои́х // очисти беззакóние моé.

Глас 6: Мно́жества соде́янных мно́ю лю́тых помышлѣя ока́янный,/ трепéщу стра́шнаго дне сúднаго:/ но наде́яся на ми́лость благоутро́бия Твоего́,/ я́ко Даві́д вопи́ю Ти:/ помілуй мя, Бо́же, // по вели́цей Твое́й ми́лости.

15 марта 2026. Неделя 3-я Великого поста. Крестопоклонная. Икона Божией Матери Державная

Канон

Песнь 1

Канон воскресен. Глас 7.

Ирмос, глас 7: Манием Твоим/ на земный образ преложися,/ прежде удоборазливаемое водное естество, Господи:/ тем же немощно пешествовав Израиль,// поет Тебе песнь победную.

В Неделю Крестопоклонную. Глас 1.

Ирмос, глас 1: Божественнейший прообрази древле Моисей,/ в Черном море провед Израиль Крестом Твоим,/ воду жезлом пресек,/ песнь Тебе исходную// воспевая, Христе Боже.

Песнь 3

Канон воскресен. Глас 7.

Ирмос, глас 7: В начале небеса всеильным Словом Твоим утвердей,/ Господи Спасе,/ и вседетельным и Божиим Духом всю силу их,// на недвижимем мя камени исповедания Твоего утверди.

В Неделю Крестопоклонную. Глас 1.

Ирмос, глас 1: Утверди, Владыко Христе, Крестом/ на камени мя веры,/ не колебаться уму/ прилоги врага злаго,// Един бо еси Свят.

15 марта 2026. Неделя 3-я Великого поста. Крестопоклонная. Икона Божией Матери Державная

Песнь 4

Канон воскресен. Глас 7.

Ирмос, глас 7: Отча нѣдра не оставль,/ и сошѣд на зѣмлю,
Христѣ Бѣже,/ тайну услышах смотрѣния Твоегѣ,// и просла-
вих Тя, Едино Человеколюбче.

В Неделю Крестопоклонную. Глас 1.

Ирмос, глас 1: На Крестѣ Тя, Сильне,/ светило великое
видев,/ трѣпетом взятся, лучи сопрятав, скры./ Вся же тварь
воспѣ со страхом Твое долготерпѣние,// ибо исполнися зем-
ля Твоегѣ хвалѣния.

Песнь 5

Канон воскресен. Глас 7.

Ирмос, глас 7: Ночь не светла неверным, Христѣ,/ верным
же просвѣщение в сладости словес Твоих:/ сего ради к Тебѣ
утренюю,// и воспеваю Твое Божество.

В Неделю Крестопоклонную. Глас 1.

Ирмос, глас 1: Утренююще, Тя воспеваем, Спасе Щедре,/
мир обретше Крестом Твоим,/ имже обновил еси/ род чело-
вѣческий,// к Свету Невечернему вводя нас.

Песнь 6

Канон воскресен. Глас 7.

Ирмос, глас 7: Плавающего в молве житейских попечений,
с кораблем потопляема грехи,/ и душетленному зверю при-
метаема,/ яко Иона, Христѣ, вопию Ти:// из смертоносных
глубинъ возведи мя.

15 марта 2026. Неделя 3-я Великого поста. Крестопоклонная. Икона Божией Матери Державная

В Неделю Крестопоклонную. Глас 1.

Ирмос, глас 1: Образ Божественнаго Крестá/ Ио́на во чре́ве кито́ве/ простёртыма длáньма проначертá/ и взира́ше, спасён от зве́ря// си́лою Твоёю, Сло́ве.

Песнь 7

Канон воскресен. Глас 7.

Ирмос, глас 7: Пещь о́троцы огнепа́льну/ дрéвле росото́чащу показáша,/ Еди́наго Бо́га воспева́юще, и глаго́люще:// превозно́сима́й отце́в Бо́г, и препросла́влен.

В Неделю Крестопоклонную. Глас 1.

Ирмос, глас 1: Из пла́мене о́троки избавлэй, плоть при́йм, пришёл еси́ на зéмлю/ и, на Кресте́ пригвождён, спасéние нам дарова́л еси́, Христé,// еди́н благословён, отце́в Бо́же, и препросла́влен.

Песнь 8

Канон воскресен. Глас 7.

Ирмос, глас 7: Неопáльная огню́ в Синáи причáщшаяся купина́,/ Бо́га яви́ медленоязы́чному и гугни́вому Моисéови,/ и о́троки ре́вность Бо́жия трé непребори́мая во огни́ певцы́ показá:/ вся́ дела́ Господня́ Го́спода по́йте,// и превозно́сите во вся́ ве́ки.

15 марта 2026. Неделя 3-я Великого поста. Крестопоклонная. Икона Божией Матери Державная

В Неделю Крестопоклонную. Глас 1.

Ирмос, глас 1: Ру́це, в ров ве́рженный львов, иногда́/ вели́кий во проро́цах/ крестообра́зно просте́р Дании́л,/ невре́ждён от сих снэди спасе́ся, // благосло́вья Христа́ Бо́га во ве́ки.

Песнь 9

Кано́н воскресе́н. Глас 7.

Ирмос, глас 7: Нетле́ния искуше́нием ро́ждшая,/ и всехитре́цу Сло́ву плоть взаимода́вшая,/ Ма́ти неискусому́жная Де́во Богоро́дице:/ При́телище Нестерпи́мага,/ Село́ Невмести́мага Зижди́теля Твоего́, // Тя велича́ем.

В Неделю Крестопоклонную. Глас 1.

Ирмос, глас 1: О Ма́ти, Де́во и Богоро́дице нело́жная,/ ро́ждшая безсе́менно Христа́ Бо́га на́шего,/ на Крест возне́сшагося плоти́ю. // Тя, ве́рнии вси, досто́йно с Ним ны́не велича́ем.

Стихиры на хвалитех

Канонарх: Глас 7, Всякое дыха́ние да хва́лит Го́спода

Лик: Всякое дыха́ние да хва́лит Го́спода. Хвалите Го́спода с Небе́с, хвалите Его́ в вы́шних. Тебе́ подоба́ет песнь Бо́гу. Хвалите Его́, вси Ангели Его́, хвалите Его́, вся Си́лы Его́. Тебе́ подоба́ет песнь Бо́гу.

Приводится вариант с приходским сокращением

На 6: Сотвори́ти в них суд напи́сан, / сла́ва сия́ бу́дет всем преподо́бным Его́.

Канонарх: Хвалите Бо́га во святы́х Его́.

Лик: хвалите Его́ во утвержде́нии си́лы Его́.

15 марта 2026. Неделя 3-я Великого поста. Крестопоклонная. Икона Божией Матери Державная

Октоих, глас 7, Неделя на 2

Канонарх: Хвалите Его на силах Его, /

хвалите Его по множеству величества Его.

Воскресе Христос из мертвых, / разруш смертные узы: /
благовести земли, радость велию, // пойте Небеса Божию славу.

Канонарх: Стих: Хвалите Его во гласе трубнем, /

хвалите Его во псалтири и гуслах.

Воскресение Христово видевше, / поклонимся святому
Господу Иисусу: // единому безгрешному.

Недели Крестопоклонной на 2, глас 4

Канонарх: Глас 4. Хвалите Его в тимпанах и лице, /

хвалите Его во струнах и органе.

Во гласех воскликнем, / в песнях возвеличим, / Крест чест-
ный облобызаяюще, / и к нему возопиим: / Кресте всечестне, /
освяти наша души и тела силою твоєю, / и от всякого
вреда сопротивных соблюди невредены, // благочестно
поклоняющиеся тебе.

Канонарх: Стих: Хвалите Его в кимвалех dobroгласных, хвалите Его в
кимвалех восклицания. /

Всякое дыхание да хвалит Господа.

Приступивше почерпите неистощаемых вод, / Креста благо-
датию проливаемых: / се предлежащее видяще Древо свя-
тое, / дарований источник, / напоенное кровию и водою Вла-
дыки всех, / на том волею вознесшагося, // и земныя воз-
двигшаго.

15 марта 2026. Неделя 3-я Великого поста. Крестопоклонная. Икона Божией Матери Державная

Канонарх: Слава, глас 8.

Сла́ва Отцу́, и Сы́ну, и Свято́му Ду́ху.

Высокомудраго ра́зума злых фарисеев,/ всех Господь притчею убежати сегó научи,/ и не высокому́дрствовати па́че,/ е́же подобáет му́дрствовати,/ всех наказá, прописáние и о́браз Сам быв,/ да́же до распя́тия и сме́рти,/ Сам Себе́ излияв./ Благодаря́ще у́бо с мытарём рцем:/ пострада́вый за ны, и безстра́стен пребы́вый, Бо́же, // от страсте́й нас изба́ви, / и спаси́ ду́ши на́ша.

Канонарх: И ныне, глас 2.

И ны́не, и прísно, и во ве́ки веко́в. Ами́нь.

Преблагословенна еси́, Богородице Де́во,/ Вопло́щшим бо ся из Тебе́ ад пленис́я,/ Ада́м воззва́ся,/ кля́тва потребис́я,/ Е́ва свободис́я,/ смерть умертв́ися и мы ожихом./ Тем воспева́юще, вопие́м:/ благословен Христо́с Бог, // благоволи́вый та́ко, сла́ва Тебе́.

Чин выноса Креста

Священник поднимает Крест на голову, исходит из алтаря северной дверью и становится на амвоне. Ему предшествует диакон, который кадит Крест.

Священник: Премудрость, прости.

Лик: Спаси́, Го́споди, лю́ди Твоя́,/ и благослови́ досто́яние Твое́,/ побе́ды правосла́вным христиа́ном на сопроти́вныя да́руя, // и Твое́ сохра́няя Кресто́м Твои́м жи́тельство.

(Трижды)

15 марта 2026. Неделя 3-я Великого поста. Крестопоклонная. Икона Божией Матери Державная

Священник полагает Крест на аналой в центре храма, затем трижды вокруг кадит его.

Поклонение Кресту

Духовенство вместе с народом: Кресту Твоему поклоняемся, Владыко,/ и святое Воскресение Твое славим. *(Трижды, в конце каждого пения тропаря совершается земной поклон)*

Лик: Кресту Твоему поклоняемся, Владыко,/ и святое Воскресение Твое славим. *(трижды)*

Лик поет стихиры на поклонение Кресту. В это время люди подходят, кланяются Кресту и целуют его; на практике настоятель совершает помазание елеем.

Глас 2: Приидите вернии,/ животворящему Древу поклонимся,/ на немже Христос Царь славы волею рuce распростер,/ вознес нас на первое блаженство,/ ихже прежде сластию украд враг,/ изгнаны от Бога сотвори./ Приидите вернии, Древу поклонимся,/ имже сподобихомся невидимых враг сокрушити главы./ Приидите вся отечествия язык,/ Крест Господень песнями почтим:/ радуйся Кресте, падшаго Адама совершенное избавление!/ О тебе вернии хвалятся,/ яко твоею силою исмаильтеския люди державно покаряющи./ Тебе ныне со страхом христиане целуем:/ на тебе пригвоздившагося Бога славим, глаголюще:/ Господи, на том пригвоздивыйся, помилуй нас, // яко Благ и Человеколюбец.

Глас 8: Днесь Владыка твари, и Господь славы,/ на Кресте пригвождается и в ребра прободается,/ желчи и оцта вкушает, сладость церковная,/ венцем от терния

облагаётся,/ покрыва́яй не́бо о́блаки,/ оде́жду облачи́тся поруга́ния,/ и зауша́ется брѣнною руко́ю,/ руко́ю созда́вый челове́ка./ По плещѣма биѣн быва́ет,/ одева́яй не́бо о́блаки./ Заплева́ния и ра́ны приѣмлет,/ поноше́ния и зауше́ния,/ и вся терпи́т мене́ ра́ди осужде́ннаго,/ Изба́витель мой и Бог, // да спасѣт мир от прѣлести, я́ко благоутро́бен.

Сла́ва Отцу́, и Сы́ну, и Свято́му Ду́ху.

Глас 8: Днесь неприкоснове́нный существо́м,/ прикоснове́н мне быва́ет,/ и стра́ждет стра́сти,/ свобождая́я мя от страсте́й./ Свет подава́яй слепы́м,/ от беззако́нных усте́н оплева́ется,/ и даѣт плещи́за пленѣнныя на ра́ны./ Сего́ Чи́стая Де́ва и Ма́ти на Крестѣ зря́щи,/ боле́зненно веща́ше:/ увы́ мне Ча́до Моѣ,/ что сиѣ сотвори́л еси́?/ Кра́сный добро́тою па́че всех челове́к,/ бездыха́нный, беззра́чный явля́ешия,/ не имѣя ви́да, ниже́ добро́ты./ Увы́ Мне Мой Све́те! / Не могу́ спя́ща зрѣти Тя,/ утробо́ю уязвля́юся,/ и лю́тое ору́жие се́рдце Моѣ прохо́дит./ Воспева́ю Твоя́ стра́сти,/ покланя́юся благоутро́бию Твоему́, // Долготерпели́ве сла́ва Тебе́.

И ны́не, и прѣсно, и во ве́ки веко́в. Ами́нь.

Глас 8: Днесь проро́ческое испо́лнися сло́во,/ се бо покланя́емся на ме́сто,/ иде́же стоя́сте но́зе Твоѣй, Го́споди,/ и Дре́ва спасѣ́ния вкуси́вше,/ грехо́вных страсте́й свобо́ду уллучи́хом, // моли́твами Богоро́дицы, еди́не Человеколю́бче.

15 марта 2026. Неделя 3-я Великого поста. Крестопоклонная. Икона Божией Матери Державная

Стихира евангельская 7-я

Канонарх: Сла́ва и ны́не, глас 7: Сла́ва Отцу́ и Сы́ну и Свято́му Ду́ху,

Лик: и ны́не и прѣсно и во ве́ки веко́в. Ами́нь.

Се тьма, и ра́но,/ и что у грóба, Мари́е, стои́ши,/ мно́гую тьму
име́ючи в ра́зуме,/ в не́йже, где положѣн бысть вопроша́е-
ши, Иису́с?/ Но виждь сри́щущася ученики́,/ ка́ко плащани́-
цами и сударе́м воскресѣние обрето́ша,/ и помяну́ша я́же о
сих Писа́ния./ С ни́миже и ѳмиже и мы ве́ровавше,// воспе-
ва́ем Тя Жизнода́вца Христа́.

1-й час

Тропари

Тропарь воскресный, глас 7

Разруши́л еси́ Кресто́м Твои́м сме́рть,/ отве́рзл еси́ разбо́йнику ра́й,
мироно́сицам пла́ч преложи́л еси́,/ и апо́столом пропове́дати повеле́л
еси́,/ я́ко воскресе́л еси́, Христе́ Бо́же,/ да́руяй ми́рови/ ве́лию ми́лость.

Сла́ва Отцу́, и Сы́ну, и Свято́му Ду́ху.

Тропа́рь Креста́, глас 1

Спаси́, Го́споди, лю́ди Тво́я,/ и благослови́ досто́яние Твоё,/ победы́
правосла́вным христиа́ном на сопроти́вныя да́руя,/ и Твоё сохра́няя
Кресто́м Твои́м жи́тельство.

Кондак Иконы Божией Матери, именуемой «Державная»

Взбра́нной Воево́де победи́тельныя пе́сни прино́сим,/ я́ко дарова́ся нам
Держа́ва Тво́я, и ничесо́же устраши́мся,/ не от ми́ра бо спасѣние на́ше,/ но
Превознесе́нныя Влады́чицы милосе́рдием огражда́емся/ и тому́ днёсь
ра́дуемся,/ я́ко при́де Засту́пница на стра́жу земли́ Свое́я.